



## ACTA DA SESIÓN EXTRAORDINARIA DA XUNTA DE GOBERNO LOCAL DO CONCELLO DE VALDOVIÑO, CELEBRADA EN DATA DOUS DE XANEIRO DE DOUS MIL VINTE E CINCO.

**Expte: 2024/G007/000044**

En Valdoviño na Sala de Xuntas da Casa do Concello anexa á Alcaldía, ás dezanove horas e corenta e cinco minutos do día dous de xaneiro de dous mil vinte e cinco, reúnen en primeira convocatoria os membros da Xunta de Goberno local; previa convocatoria efectuada regulamentariamente conforme ao resolto en decreto núm. 788 de data 30 de decembro/2024 e baixo a Presidencia do sr. Alcalde Alberto González Fernández: dona Rosa Ana García López, don Benito Manuel Vega Fernández, dona Tamara Sabín Caamaño e don Alejandro Antonio García Sousa.

Actúa como secretario don Rafael Jose Del Barrio Berbel.

Despois de aberta pola Presidencia a sesión, esta celébrase comezando co debate e votación dos asuntos incluídos na Orde do Día da convocatoria.

### **1º.- APROBACIÓN, SE PROCEDE, DO BORRADOR DA ACTA DA SESIÓN ANTERIOR: 26.12.24 (EXTRAORDINARIA).-**

O alcalde preguntalle aos concelleiros se teñen que facer algunha observación á devandita acta, e ao non facerse ningunha alegación, declara que a acta da sesión de 26.12.24 queda aprobada sen ningunha obxección pola Xunta de Goberno Local.

### **2º.- EXPEDIENTE DE CONTRATACIÓN DE SUBMINISTRO: “ADQUISICIÓN DE UN VEHÍCULO/TURISMO PATRULLA PARA LA POLICÍA LOCAL DE VALDOVIÑO”, (REQUIRIMENTO DE DOCUMENTACIÓN PREVIA Á ADXUDICACIÓN), NÚMERO DE EXPEDIENTE 2024/C005/000001: .-**

#### **“PROPOSTA DA ALCALDÍA-PRESIDENCIA**

Expte.: 2024/C005/000001

Subministro: Adquisición de un vehículo/turismo patrulla para la policía local de Valdoviño

Aprobado o expediente de contratación do subministro de: “Adquisición de vehículo para policía local mediante acordo de Xunta de Goberno Local de data 24/09/2024.

Licitación: procedemento aberto con aplicación de pluralidade de criterios de apreciación automática.

Realizada a publicación da licitación na Plataforma de Contratos do Estado en data 25/09/2024 e presentadas ofertas, en sesión de data 17 de outubro de 2024 a Mesa de contratación abriu e examinou a documentación do sobre A e acordou admitir aos catro licitadores que se presentaron: Aplicaciones tecnológicas Juma, S. L., Gonzacar, S. L., Técnicas y Servicios de Automoción, S. A. e Transtel, S. A. ao comprobarse correcta a documentación presentada.

En data 17/12/2024 a Mesa de contratación celebrou sesión de ratificación da sesión anterior (a de data 17/10/2024) toda vez que a celebrada anteriormente tivo lugar sen presenza da intervención municipal polo que nesta sesión de ratificación procedeu a ratificar o acordo anterior e admitir os catro licitadores presentados: Aplicaciones tecnológicas Juma, S. L., Gonzacar, S. L., Técnicas y Servicios de Automoción, S. A. e Transtel, S. A. ao comprobarse correcta a documentación administrativa presentada.

En data 20 de decembro de 2024 a mesa de contratación celebrou sesión para a apertura e valoración dos criterios evaluables automaticamente obténdose os seguintes resultados:

NIF: B29732898 Aplicaciones Tecnológicas Juma s.l.:

- Mejoras: Motor auxiliar/Mayor potencia/Base cargadora y cable- Puntuación: 32 puntos
- Incremento en la garantía: 3 años Puntuación: 6 puntos
- Oferta económica: 34.655,64 € Puntuación: 45,69
- PUNTUACIÓN TOTAL: 83,69 puntos

NIF: B15380322 GONZACAR S.L.:

- Mejoras: Motor auxiliar/Mayor potencia/Desfibrilador/Caja 8 balizas/Base cargadora-Puntuación: 40 puntos
- Incremento en la garantía: 1 año - Puntuación: 2 puntos
- Oferta económica: 33.223,00 € Puntuación: 50 puntos
- PUNTUACIÓN TOTAL: 92 puntos

NIF: A41121336 TECNICAS Y SERVICIOS DE AUTOMOCION S.A:

- Mejoras: Motor auxiliar/Mayor potencia-Puntuación: 30 puntos
- Incremento en la garantía: 3 años Puntuación: 6 puntos
- Oferta económica: 34.692,79 € Puntuación: 45,59 puntos
- PUNTUACIÓN TOTAL: 81,59 puntos

NIF: A46063814 TRANSTEL,S.A.:

- Mejoras: Motor auxiliar/Mayor potencia-Puntuación: 30 puntos
- Incremento en la garantía: 1 año-Puntuación: 2 puntos
- Oferta económica: 34.666,00 Puntuación: 45,66 puntos
- PUNTUACIÓN TOTAL: 77,66 puntos

Polo que a Mesa de contratación resolveu FORMULAR PROPOSTA DE ADXUDICACIÓN do contrato de subministro 2024/C005/000001 - Adquisición dun vehículo/turismo patrulla para a policía local de Valdoviño a favor da empresa B15380322 GONZACAR S.L. motivado en que é a oferta que obtivo a maior puntuación das catro proposicións presentadas; previa presentación polo licitador da documentación para ser

adxudicatario do contrato así como elevar esta proposta ante a Xunta de Goberno Local, como órgano de contratación neste procedemento.

Visto o exposto anteriormente, esta alcaldía PROPÓN á Xunta de Goberno Local a adaptación do seguinte ACORDO:

**Primeiro.-** Considerando que a empresa con B15380322 GONZACAR S.L. presenta unha oferta cun importe:

- A) Prezo sen IVE: 33.223,00 euros
- B) Imposto sobre o Valor Engadido (IVA): Porcentaxe: 21 % Importe 6.976,83 euros
- C) TOTAL (A+B): 40.199,83 EUROS

Requirir ao devandito licitador para que no prazo de DEZ DÍAS HÁBILES a contar dende o seguinte a aquel en que reciba a notificación, PRESENTE a documentación sinalada na cláusula 15.- Adxudicación- do prego de cláusulas administrativas particulares que rexen a contratación, incluída a garantía definitiva (5 % do importe de adxudicación, excluído o IVE: 1.661,15 euros), así como certificados de atoparse ao corrente das obrigas coa Axencia Estatal Tributaria e coa Axencia Tributaria de Galicia. Aos efectos de poder serlle adxudicado o contrato de subministro de vehículo de policía local polo importe indicado na oferta presentada.

**Segundo.-** Notificar o presente acordo á citada entidade mercantil para o seu coñecemento e efectos.

Non obstante, a Xunta de Goberno Local decidirá o que estime convinte.

O Alcalde:

Asdo.: D. Alberto González Fernández (*Asdo. dixitalmente*)”

**A Xunta de Goberno Local, en votación ordinaria e por unanimidade dos seus membros, acordou a aprobación da proposta de Alcaldía transcrita (Expediente 2024/C005/000001).**

**3º.- EXPEDIENTE DE CONTRATACIÓN DE OBRAS: “REPARACIÓN DE ESTRADAS EN RÚA BOEIRO, AVDA COUCE CASAS, PORTO DO CABO, BROÑO, CARREIRA, TARAZA, PADIN, CAMPÓN E OUTROS”, (REQUERIMENTO DE DOCUMENTACIÓN PREVIA Á ADXUDICACIÓN), NÚMERO DE EXPEDIENTE 2024/C003/000007.-**

**“PROPOSTA DA ALCALDÍA-PRESIDENCIA**

Expte.: 2024/C003/000007

Obra: Reparación estradas en rúa Boeiro, avenida Couce Casas, Porto do Cabo, Broño, Carreira, Taraza, Padín, Campón e outros

Aprobado o expediente de contratación da obra: “Reparación estradas en rúa Boeiro, avenida Couce Casas, Porto do Cabo, Broño, Carreira, Taraza, Padín, Campón e outros” mediante acordo de Xunta de Goberno Local de data 09/07/2024.

Licitación: procedemento aberto con aplicación de pluralidade de criterios de adxudicación con aplicación de xuízos de valor e criterios de apreciación automática.

Realizada a publicación da licitación na Plataforma de Contratos do Estado en data 11/07/2024 e presentadas ofertas, en sesión de data 29 de xullo de 2024 a Mesa de contratación aperturou e examinou a documentación do sobre A constatando que se presentaron tres licitadores: NIF: A15013162 JOSE NO MANTIÑAN E HIJOS CONSTRUCCIONES, S.A., NIF: B15261308 CONSTRUCCIONES J MAURI E HIJOS, S. L. e NIF: B70385125 AVANZA ENVIRONMENT, S. L. Nesta sesión de data 29/07/2024 tras a revisión da documentación aportada polos licitadores ponse de manifesto o seguinte:

“No DEUC presentado polo licitador AVANZA ENVIRONMENT, S. L. no apartado relativo ao título e breve descripción do procedemento de contratación conséntase que se fai referencia a outro procedemento doutro Concello toda vez que os lugares mencionados no se corresponden nin coa obra obxecto de licitación nin co Concello de Valdoviño.

No escrito de compromisos e declaracións presentado por Construcciones J. Mauri e Hijos, S. L. indica o seguinte: “Declara que a efectos de justificación de las solvencias económicas y técnica para dicha obra, presentada por Construcciones J. Mauri e Hijos, s. l. hacemos constar que dicha empresa está vinculada a Construcciones Ponciano Nieto, s. l. que avala su solvencia y acompañamos DEUC de Construcciones Ponciano Nieto, s. l.”

Polo tanto, a mesa de contratación en sesión de data 29/07/2024 conclúe o seguinte:

1) Requerir ao licitador AVANZA ENVIRONMENT, S. L. para que no prazo máximo de tres días ao abeiro do artigo 141.2 da Lei 9/2017 de 8 de novembro de contratos do sector público proceda á subsanación do DEUC aportado adaptando a descripción do procedemento de contratación á presente licitación: Reparación estradas en Rúa Boeiro, Avenida Couce Casas, Porto do Cabo, Broño, Carreira, Taraza, Padín, Campón e outros do Concello de Valdoviño.

2) Analizar a declaración presentada por Construcciones J. Mauri e Hijos, S. L. relativa á súa vinculación con Construcciones Ponciano Nieto, S. L. para acreditar a solvencia económica e técnica co obxecto de valorar a súa admisión ou exclusión no procedemento.

En sesión celebrada en data 08/08/2024 a mesa de contratación analizou a documentación presentada en resposta aos requirimentos efectuados segundo o acordo adoptado na anterior sesión de data 29/07/2024 e tras a revisión da documentación aportada polos licitadores a mesa concluiu:

“Admitir aos seguintes licitadores:

NIF: B70385125 Avanza Environment SL

NIF: B15261308 Ctnes. J. Mauri e hijos, s.l.

NIF: A15013162 JOSE NO MANTIÑAN E HIJOS CONSTRUCCIONES, S.A.

Resultando así que a lista de ADMITIDOS NA CONTRATACIÓN É A SEGUINTE (todos os que concorreron á licitación):

NIF: B70385125 Avanza Environment SL

NIF: B15261308 Ctnes. J. Mauri e hijos, s.l.

NIF: A15013162 JOSE NO MANTIÑAN E HIJOS CONSTRUCCIONES, S.A.

En sesión celebrada en data 08/08/2024 a Mesa de Contratación aperturou o sobre B relativo ao criterios basados en xuízos de valor dando traslado da devandita documentación

aos técnicos municipais para a súa correspondente valoración de xeito que na sesión celebrada pola mesa de contratación en data 10/09/2024 procedeuse á valoración dos criterios basados en xuízos de valor unha vez remitida a información polo equipo técnico obténdose os seguintes resultados:

“NIF: B70385125 Avanza Environment SL:

- Plan de control de calidad Puntuación: 7
- Esquema del plan de seguridad y salud Puntuación: 6.5
- Actuación ambiental Puntuación: 6.7
- Programa de trabajo Puntuación: 14.5

NIF: B15261308 Ctnes. J. Mauri e hijos, s.l.:

- Plan de control de calidad Puntuación: 13.5
- Esquema del plan de seguridad y salud Puntuación: 9.5
- Actuación ambiental Puntuación: 9.25
- Programa de trabajo Puntuación: 17

NIF: A15013162 JOSE NO MANTIÑAN E HIJOS CONSTRUCCIONES, S.A.:

- Plan de control de calidad Puntuación: 5.5
- Esquema del plan de seguridad y salud Puntuación: 7
- Actuación ambiental Puntuación: 6.5
- Programa de trabajo Puntuación: 13”

Na sesión celebrada pola Mesa de Contratación en data 16/09/2024 procedeuse á apertura e valoración dos criterios evaluables automáticamente (sobre C) e efectuando a valoración co programa de ofertas económicas da Deputación da Coruña tomando como referencia o importe sen IVE: 156.866,47 euros resultan os seguintes datos:

NIF: B70385125 Avanza Environment SL:

- Oferta económica: 148512.4 Baja (%): 5,33 Puntuación valoración técnica: 34,70

Puntuación valoración económica: 9.95

NIF: B15261308 Ctnes. J. Mauri e hijos, s.l.:

- Oferta económica: 155454.67 Baja (%): 0,90 Puntuación valoración técnica: 49,25

Puntuación valoración económica: 1.68

NIF: A15013162 JOSE NO MANTIÑAN E HIJOS CONSTRUCCIONES, S.A.:

- Oferta económica: 146500 Baja (%): 6,61 Puntuación valoración técnica: 32,00

Puntuación valoración económica: 12.34

Polo que a oferta presentada por José No Mantiñá e Hijos Construcciones S. A. resulta unha oferta anormalmente baixa. E de conformidade co punto 15.4 do prego de cláusulas administrativas particulares que rexen esta contratación por procedemento aberto con pluralidade de criterios de adxudicación con aplicación de xuízos de valor e criterios de apreciación automática das obras comprendidas nos planes provinciales (ofertas anormalmente baixas) e de conformidade con artigo 149.4 de la Ley 9/2017 de 8 de noviembre (LCSP):

A Mesa de Contración, por unanimidade dos membros presentes acordou requirir á empresa NIF: A15013162 JOSE NO MANTIÑAN E HIJOS CONSTRUCCIONES, S.A. para que dentro do prazo de CINCO DÍAS HÁBILES (5) dende a recepción da notificación, xustificase a súa oferta, acompañando a documentación a que se refire o apartado 15.4.4 do prego de cláusulas administrativas que rexen a contratación.

En data 16/09/2024 procédese á notificación do requirimento de xustificación de baixa temeraria sendo atendida polo licitador en data 20/09/2024 e trasladada aos servizos técnicos municipais.

En sesión de data 17/12/2024 a Mesa de Contratación celebrou sesión de ratificación das sesións celebradas en datas 08/08/2024 correspondentes á apertura de criterios basados en xuízo de valor e a celebrada en data 16/09/2024 na que se procedeu á apertura e valoración de criterios evaluables automaticamente das ofertas económicas presentadas entre as que se puxo de manifesto que a aportada polo licitador José No Mantiñán e Hijos Construcciones, S. A. ao resultar unha oferta anormalmente baixa. Nesta sesión de data 17/12/2024 dase conta do informe técnico municipal de data 21/10/2024 no que se considera xustificada a oferta económica presentada por José No Mantiñán e Hijos Construcciones, S. A. non considerándose como oferta economicamente desproporcionada procedéndose á suma da valoración dos criterios basados en xuízos de valor e os evaluables automaticamente resultando a seguinte puntuación:

Licitador	Puntuación valoración técnica	Puntuación oferta económica	Puntuación total
Avanza Environment S L	34,70	9,95	44,65
Ctnes. J. Mauri e Hijos, S. L.	49,25	1,68	50,93
José No Mantiñán e Hijos Construcciones, S. A.	32	12,34	44,34

E por conseguinte a mesa acordou formular proposta de adxudicación do contrato de obra **Reparación estradas en rúa Boeiro, Avenida Couce Casas, Porto do Cabo, Broño, Carreira, Taraza, Padín, Campón e outros** a favor da empresa Ctnes. J. Mauri e hijos, S. L., motivado en que é a oferta que obtivo a maior puntuación, previa presentación por el licitador da documentación para ser adxudicatario do contrato.

Visto o exposto anteriormente, esta alcaldía PROPÓN á Xunta de Goberno Local a adaptación do seguinte ACORDO:

**Primeiro.-** Considerando que a empresa con NIF B15261308 Ctnes. J. Mauri e hijos, S. L. presenta unha oferta cun importe:

- A) Prezo sen IVE: 155.454,67 euros
- B) Imposto sobre o Valor Engadido (IVA): Porcentaxe: 21 % Importe 32.645,48 euros
- C) TOTAL (A+B): 188.100,15 EUROS

Requirir ao devandito licitador para que no prazo de DEZ DÍAS HÁBILES a contar dende o seguinte a aquel en que reciba a notificación, PRESENTE a documentación sinalada na cláusula 16.- Adxudicación- do prego de cláusulas administrativas particulares que rexen a contratación, incluída a garantía definitiva (5 % do importe de adxudicación, excluído o IVE: 7.772,73 euros), así como certificados de atoparse ao corrente das obrigas coa Axencia Estatal Tributaria e coa Axencia Tributaria de Galicia. Aos efectos de poder serlle

adxudicado o contrato de Reparación estradas en rúa Boeiro, Avenida Couce Casas, Porto do Cabo, Broño, Carreira, Taraza, Padín, Campón e outros polo importe indicado na oferta presentada.

**Segundo.-** Notificar o presente acordo á citada entidade mercantil para o seu coñecemento e efectos.

Non obstante, a Xunta de Goberno Local decidirá o que estime convinte.

O Alcalde:

Asdo.: D. Alberto González Fernández (*Asdo. dixitalmente*) ”

**A Xunta de Goberno Local, en votación ordinaria e por unanimidade dos seus membros, acordou a aprobación da proposta de Alcaldía transcrita (Expediente 2024/C003/000007).**

E sen máis asuntos que tratar, o sr. Alcalde levantou a sesión, ás dezanove horas e cincuenta e cinco minutos do día ao principio indicado, e eu, como Secretario municipal, CERTIFICO o contido da presente acta.

*/Documento asinado na marxe esquerda do mesmo polo secretario e polo alcalde/*